

GRADUADONAN NA PASO SIGUR SCHOOL



ORANJESTAD (AAN): Cuatro persona recientemente a ricibi nan diploma di "cuido pa ancianonan". Durante tres aña largo Olga Hassell, Victor Farro, Kathleen Winklaar, y Catharina Kock a sigui e estudio di "bejaardenverzorging" na Paso Sigur School.

Tanto Olga como Catharina a experiencia cu ta trata di un estudio pisa, pero cu ta yena nan cu satisfaccion ora cu ta anda cu nos grandinan.

Olga Hassdell ta un señora casa, mama di dos yiu y cu su edad di 34 aña a bin haya diploma di bejaardenverzorgster. E ta traha na e cas pa ancianonan na San Nicolas y a atende e estudio na Paso Sigur School.

Trabao, school, cas y famia y tur a existi hopi dedicacion di Olga Hassell, pero e tabata sa con pa planea su bida pa e por a logra su diploma. El a

ricibi hopi ayudo y comprension di su famia. Pero tur esfuertonan haci tabata pa logra su meta, esta sifia un profesion y den e caso aki bira un bejaardenverzorgster.

Catharina tambe a haya e estudio pisa, pero cu dedicacion el a logra. Durante su periodo di practica e superiorman tabata tin hopi elogio pa su persona como trahador.

Na Paso Sigur School ta tuma lugar tambe e estudio pa

"internaatswerk". Aki e jovennan ta sifia pa traha despues den un instituto manera Imeldahof, Casa Cuna, Speelschool, etc. E exigencianan pa ser admiti pa e curso aki ta igual cu esun pa cuida di ancianonan. Seis persona a ricibi nan diploma for di inspectora di enseñanza, Ramona Orman. Nan ta Rosemarie Euson, Lillian Hernandez, Gloria Jones, Glenn Martinez, Iraida Orman, y Judith Maduro.